



Republika e Kosovës
Republika Kosova - Republic of Kosovo

ZYRA E RREGULLATORIT PËR ENERGJI
REGULATORNI URED ZA ENERGIJU
ENERGY REGULATORY OFFICE



Prishtinë, 30 shtator 2020
Kodi i ZRRE-së: V_1290_2020

Bordi i Zyrës së Rregullatorit për Energji,

Duke marrë parasysh:

- Dispozitat e Nenit 9 paragrafi 1, nënparagrafi 1.7, Nenin 26, Nenit 28 paragrafi 2, nënparagrafi 2.1, dhe Nenin 32 paragrafin 3 të Ligjit për Rregullatorin e Energjisë (Ligji Nr. 05/L-084);
- Dispozitat e Nenit 6 dhe 7 të Ligjit për Energjinë Elektrike (Ligji Nr. 05/L-085);
- Strategjinë e Energjisë së Republikës së Kosovës 2017-2026;
- Dispozitat e Nenit 7 dhe Nenit 19 të Rregullës për Licencimin e Aktiviteteve të Energjisë në Kosovë (Rregulla Nr.ZRRE/Nr.07/2017);
- Aplikacionin për vazhdim të licencës për prodhim të energjisë elektrike të dorëzuar në Rregullator me datë 04.05.2020 nga ndërmarrja Korporata Energjetike e Kosovës –Divizioni i Gjenerimit “KEK SH.A.”-TC Kosova “A” , adresa: rruga “Nënë Tereza nr. 36, 10000 Prishtinë, Republika e Kosovës,
- Kërkesën për shtyrje afati të licencës për prodhim të energjisë elektrike për TC Kosova A, e datës 04.05.2020; dhe
- “Njoftimin për Leje Mjedisore të Integruar”, të lëshuar nga Ministria e Infrastrukturës dhe Ambientit (MIA), të datës 08.06.2020,

në seancën e mbajtur me datë 30 shtator 2020, nxori këtë:

VENDIM

- I. VAZHDOHET** licenca për prodhim të energjisë elektrike Korporatës Energjetike të Kosovës – Divizioni i Gjenerimit (KEK SH.A.)-TC Kosova A, me numër licence ZRRE/Li_05/17_A, për periudhën nga 04 tetor 2020 deri 04 tetor 2021.
- II. Obligohet** KEK SH.A. që brenda periudhës së përcaktuar në pikën një (I) të dispozitivit të këtij vendimi të sigurojë Lejen Mjedisore të Integruar nga Ministria e Infrastrukturës dhe Ambientit (MIA) dhe kopjen e së njëjtës ta dërgojë në Rregullator, njëkohësisht të informoj Rregullatorin mbi masat e marra për sigurimin e kësaj leje nga MIA.
- III. Obligohet** ndërmarrja të sjellë në Rregullator çdo dokument të lëshuar nga institucione të ndryshme për KEK SH.A TC Kosova A, të cilët mund të kenë ndikim në validitetin dhe periudhën e vlefshmërisë së licencës së lëshuar, si dhe çdo dokument i cili mund të ndryshoj nga ai i sjellë gjatë aplikimit për marrje të licencës.



Arsyetim

- Zyra e Rregullatorit për Energji (ZRRE) me datë 04.05.2020 ka pranuar Kërkesën për Vazhdim Licence për prodhim të energjisë elektrike të KEK Sh.a. – Divizioni i Gjenerimit-TC Kosova "A", për periudhën nga 04.10.2020 deri me 04.10.2022.
- KEK SH.A po ashtu ka dorëzuar Aplikacionin për vazhdim licence për prodhim të energjisë elektrike dhe dokumente/dëshmi shtesë, të kërkuara nga Rregullatori, për vazhdim licence.
- Në pamundësi që KEK SH.A të pajiset me Leje Mjedisore të Integruar nga MMPH, Bordi i Rregullatorit, që nga viti 2011 për çdo vit i ka vazhduar licencën për prodhim të energjisë elektrike ndërmarrjes KEK SH.A-TC Kosova A (vendimet për vazhdim licence: V_380_2011 i datës 30 shtator 2011; V_437_2012 i datës 01 tetor 2012; V_556_2013 i datës 06 shtator 2013; V_652_2014 i datës 03 tetor 2014; V_749_2015 i datës 16 korrik 2015; V_843_2016 i datës 03 tetor 2016 dhe V_1032_2018 i datës 24 shtator 2018, V_1185_2019 i datës 14 tetor 2019), duke obliguar të licencuarin që brenda periudhës së përcaktuar në pikën një (I) të dispozitivit të Vendimeve, ta sigurojë nga MIA (ish-MMPH) Lejen Mjedisore të Integruar, dhe një kopje ta dërgojë në Rregullator.
- Me kërkesë të Rregullatorit, e po ashtu me qëllim të përmbushjes së dispozitave të licencës dhe obligimit të përcaktuar me ligjet në fuqi për Leje të Integruar Mjedisore, edhe gjatë këtij aplikimi për vazhdim licence, KEK SH.A nuk ka dorëzuar Lejen Mjedisore të Integruar, por ka dorëzuar në Rregullator Njoftimin nga MMPH lidhur me Lejen Mjedisore të Integruar.
- Në Njoftimin (përgjigjen) e MIA-së të datës 08.06.2020, lidhur me këtë thuhet se:
 - MIA me 24.04.2020 ka pranuar Kërkesën nga KEK Divizioni i Gjenerimit TC Kosova A për Leje Mjedisore të Integruar. MIA është duke e shqyrtuar lëndën në bazë të Ligjit për Parandalimin dhe Kontrollin e Integruar të Ndotjes, (Ligji Nr. 03/L-043).
 - duke u nisur nga fakti se KEK është ndërmarrje publike me interes vital për Kosovën MIA do të mbështes me një njoftim të praktikuar deri më tani, për kompletimin e dokumentacionit të nevojshëm për Vazhdim të afatit të Licencës.
 - Pasi që zbatim i dispozitave që dalin nga ligji i lartpërmendur kërkojnë një analizë të thellë të gjendjes teknike të instalimeve të KEK-ut (TC Kosova A), që paraqesin një kompleks të madh industrial por edhe me një vjetërsi të konsiderueshme, do të kërkohet një bashkëpunim i ngushtë me KEK-un për të planifikuar përmbushjen e standardeve të përcaktuara me legjislacionin për mjedis.
 - Pas shqyrtimit të aplikacionit për t'u pajisur me Leje Mjedisore të Integruar (e cila është në procedurë) dhe pas plotësimit të kushteve sipas Nenit 9 të ligjit të lartpërmendur MIA do të lëshojë Vendimin për Leje Mjedisore të Integruar.
- Në po të njëjtin njoftim, është Njoftim Shtesë:
 - Me Planin Kombëtar për Zvogëlimin e Emisioneve (PKZE/NERP) parashihet që TC Kosova A të vazhdoj punën me kusht që të përmbush standardet e parapara me Direktivën e Impianteve me Djegieje të Madhe (Directive 2001/80/EC) deri në vitin 2022 dhe të vazhdoj punën më tutje nëse i përmbushur kushtet sipas Direktivës për Emisionet Industriale (Directive 2010/75/EU).



- Sipas Strategjisë së Energjisë së Kosovës 2017-2026, në mënyrë që të mos lejohet rreziku i sigurisë së furnizimit me energji elektrike, TC "Kosova A" do të operoj deri në zëvendësimin e saj nga TC "Kosova e Re". Pas fillimit të operimit të TC Kosova e Re, do të fillojë procesi i dekomisionimit të TC Kosova A.¹
- Sipas Strategjisë së Energjisë, një ndër masat kryesore për arritjen e objektivave strategjike është përmirësimi i kushteve mjedisore nëpërmjet zëvendësimit të TC Kosova A me TC Kosova e Re dhe rehabilitimit të TC Kosova B duke plotësuar kërkesat e Direktivës 2010/75/EC².
- Rregullatori duke marrë parasysh këtë që u tha më lartë, dëshmitë e bashkëngjitura aplikacionit për vazhdim licence dhe dispozitat ligjore të cekura në hyrje të këtij vendimi, vendos si në dispozitiv të këtij vendimi.

IV. Vendimi nxirret në gjuhët zyrtare në Republikën e Kosovës

V. Vendimi hyn në fuqi në datën e miratimit nga Bordi i Rregullatorit dhe do të publikohet në faqen elektronike zyrtare të Rregullatorit.

Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të Rregullatorit, cilado që ndodh e fundit.

Vendimi i dërgohet:

- Korporatës Energjetike të Kosovës (KEK SH.A) - TC Kosova A
- Arkivit të Zyrës së Rregullatorit për Energji

Bordi i ZBRE-së,

Arsim Janova, u.d. Kryesues

Besim Sejfiqaj, anëtar

Selman Hoti, anëtar

Izet Rushiti, anëtar

¹ Strategjia e energjisë e Republikës së Kosovës 2017-2026, Fq 40

² Po aty, Fq 8